

Hac Carina Iupiter congressus, Britomartim genuit: quae hominum fugiens consuetudinem, perpetuam virginitatem amplexa, primum ex Phoenicia Argos devenit ad Erasini filias, Byzem, Melitam, Moeram, & Anchiroam. Deinde Argis in Cephalleniam profecta, ab incolis Laphria nominata est, sacrique numinis instar honorata. Venit inde in Cretam: visamque Minos, cum amore eius captus esset, insecutus est. Ea ad pisces confugit, ab iisque subter retia occulta est, unde Cretenses eam Dictynniam (nam dicty rete significat) nuncuparunt, & sacra obtulerunt. Euitato Minoe, Britomartis cum Andromede piscatore nauigio Aeginam venit. Cumque piscator eam comprimere conaretur, relicto nauigio, in lucum confugit, ubi nunc eius sanum est, ibique e medio est sublata: & nomen ei Aphaea posuerunt, in fano Dianae. Locum, ubi oculis hominum subtracta est, Aeginetae consecrarunt, Aphaamque dixerunt, & tanquam deo sacrificarunt.